

# Regionalni challenge fond

## Obavještenje o objavljivanju Trećeg poziva za podnošenje Izjava o zainteresiranosti

Regionalni challenge fond je finansijski mehanizam koji unapređuje zapošljivost, posebno mladih. Fond podržava konkurentnost preduzeća u ekonomijama Zapadnog Balkana kroz finansiranje investicija u opremi i infrastrukturi za odabrane projekte kooperativnog ili dualnog stručnog obrazovanja, koji se provode u partnerstvu obrazovnih ustanova i kompanija. Sredstva se dodjeljuju nakon nadmetanja na regionalnom nivou.

Njemačko Savezno ministarstvo za ekonomsku saradnju i razvoj (BMZ) izdvojilo je 64,43 miliona eura za RCF, a Vlada Švicarske, koju predstavlja Švicarska agencija za razvoj i saradnju (SDC), sufinansirala je dodatnih 9,7 miliona švicarskih franaka. Sredstva su povjerena Njemačkoj razvojnoj banci (KfW), a projekat realizuje Komorski investicioni forum Zapadnog Balkana 6 (WB6-CIF), zajednička inicijativa privrednih komora iz regiona.

Prvi i drugi krug prijave privukli su više od 300 Izjava o zainteresiranosti iz svih šest ekonomija Zapadnog Balkana. Procesom selekcije odabrano je 63 projekta za finansiranje, i je izdvojen približno 27 miliona eura za investicije u opremu, infrastrukturu i obuku kod pružalaca stručne obuke i partnerskih preduzeća.

RCF objavljuje Treći poziv za podnošenje Izjava o zainteresiranosti i poziva konzorcije ustanova stručnog obrazovanja i obuke i kompanija, koji nastoje zajednički pripremiti i provoditi programe kooperativnog obrazovanja i obuke da se prijave i:

- nadmeću se za priliku da dobiju značajnu investiciju u opremu i infrastrukturu ustanova stručnog obrazovanja i obuke i podstaknu uvođenje novih tehnologija u obrazovne procese
- podrže razvoj metodologije dualnog ili kooperativnog obrazovanja i obuke kako bi se efikasno nosili sa nedostatkom ljudskih resursa i strateški pristupili građenju kapaciteta
- poboljšaju zapošljivost polaznika/maturanata SOO i njihovu integraciju u tržište rada
- povećaju produktivnost i konkurentnost preduzeća kroz rezultate ostvarene prilikom provođenja kooperativnih programa.



**TREĆI POZIV ZA IZRAŽAVANJE ZAINTERESIRANOSTI BIĆE OTVOREN OD 22. MAJA DO 7. JULA 2023. GODINE U 23:59Č. POZIV SE OBJAVLJUJE ISTOVREMENO U ŠEST EKONOMIJA ZAPADNOG BALKANA: ALBANIJI, BOSNI I HERCEGOVINI, KOSOVU, CRNOJ GORI, SJEVERNOJ MAKEDONIJI I SRBIJI. RCF PRIHVATA PRIJAVE IZ SVIH ŠEST EKONOMIJA KAO I IZ SVIHEKONOMSKIH SEKTORA.**

Izjave o zainteresiranosti mogu podnijeti konzorciji obrazovnih ustanova i bar dvije kompanije koje zajednički pripremaju i provode programe dualnog ili kooperativnog obrazovanja. Konzorcije trebaju predvoditi ustanove koje pružaju stručno obrazovanje i obuku i provode programe koji vode ka sticanju nacionalno priznatih kvalifikacija.

Proces apliciranja za sredstva Regionalnog challenge fonda se odvija u dvije faze. Najprije konzorciji podnose Izjave o zainteresiranosti, a oni predselektovani nakon prve faze pripremaju i cjelokupne prijedloge projekata i detaljne planove investicija.

**Informativna sesija za Bosnu i Hercegovinu** tokom koje će biti pojašnjeni detalji konkursa, uslovi prihvatljivosti, dozvoljeni troškovi i procedure apliciranja održat će se onlajn **7. juna 2023. počev od 13 časova**. Zainteresirani se mogu prijaviti za učešće putem linka dostupnog [ovdje](#).

Dodatne informacije o Trećem pozivu za podnošenje Izjava o zainteresiranosti, uključujući i Smjernice za potencijalne aplikante, dostupni su na sajtu [www.rcf-wb6.org](http://www.rcf-wb6.org).